

89074128703



B89074128703A

MANILER


89074128703



B89074128703A

MANILER

General Library System  
University of Wisconsin - Madison  
728 State Street  
Madison, WI 53706-1494  
U.S.A.







General Library System  
University of Wisconsin - Madison  
728 State Street  
Madison, WI 53706-1494  
**U.S.A.**







89074128703



b89074128703a

استانبول دارالفنون  
ادبیات مدرسه سی ماذونلری جمعی  
نشریاتی  
صافی : ۱

خلق ادبیاتی اور نکلری

Maniler

مانیر

مفلک سی ، مفلک سی

شہزادہ ہاشمی : اوقاف اسلامیہ مطبعہ سی

۱۳۳۹





استانبول دارالفنونی  
ادبیات مدرسه سی مآذونلری جمعی  
نشریاتی  
صافی : ۱

# خلق ادبیاتی اور نکلری

مابلر-۱

برنجی قسم

— خلق سی ، خلق سی —

ماچار مستشرقلرندن ( دوكتور قونوش ) ك ( عثمانلى توركلری خلق ادبیات مجموعه سی )  
نامی آلتنده طوبلامش اولدیغی کلیاتدن آلمشدر .



شهزاده باشی : اوقاف اسلامیة مطبعه سی

۱۳۳۹

General Library System  
University of Wisconsin - Madison  
728 State Street  
Madison, WI 53706-1494  
U.S.A.

## ايلىك سوز

بويوك ملت مجلسىنىڭ تاسسى صيرەلرندە تشكىل ايدەرك صلح  
مذاكرەلرى ائناسىندە فعالىتە كىرىشمىش اولان « دارالقونون ادبيات  
مدرسىسى ماذونلرى جمعيتى » اوڭجە تاڭرىنىڭ لطف و غنايتە، سوڭرە دە  
كەندى غىزم و غىرتە گوو نەرك نىريات ساحەسىندە كى بويلىك آدىمىنى  
آتاركن، ملتە قارشى ايفايە باشلادىغى بوناچىز خدمتڭ روح و مفكورەسىنى  
ھەرشىدن ھەركەسدىن اول مىلى عىرفانمىزڭ بويوك استادى، ممتاز اجتماعيات  
مدرس و عالمىز؛ بوجە شاعر، حكيم و مەرىپەتلىك كوك آلپ بىكە مەديون  
اولدىغى سويلەمكى بىر وظيفە تەلقى ايدىر .

كەنج قەلەملىرى، تورىك يوردى و اسلام مجموعەسى ايلە يىڭى مجموعەدە كى  
مقالەلەرنە ؛ قەزىل الما، يىڭى حىيات كەبى منظوم اترلەرنە مىلى عىرفان  
مفكورەسىنى و بونىڭ منبع و تەجلىسى دىمىك اولان ملتەجىلىك و خەلقجىلىغى  
شىمەدىيە قاندار مىلى تارىخىمىزدە ايشىدىلەمەش بىر سىس و كورۇلمەش  
بىر ايشىقەلە چىنلەتدىروب ايدىنلەتەن و يىڭى تورىكلىككە عصرى حىياتىندە  
مەصطفى كەمال پاشا كەبى شانلى بىر اوغوز بىكىنىڭ مەنەوى وزىرى مەقامىندە بىر  
قورقۇد آتە سىماسىنى عىرض ايدىن بۇدەھى اوزان و بىلىكە مىزڭ بىر اشارەتلىرىلە،  
بىز كەندىسىنىڭ استانبۇلدە كى مەنتەدار شا كەردلەرى اساساً مفكورەسى بىر حەسرەتە  
اجراسى فرىستى كوزە تەلە دىكىمىز بۇتەشەبەت اچچۇن يىڭى بىر حەلەلەش اولدۇ .  
اويلە بىر مفكورە كە قوت و انضباطنى دىندىن ، رەنك و بويىنى مەلىتەن ،  
شەكىل و ابەعادىنى عىصرىتەن آلىور . بويوكلىك تشويق سائەسىلەردە كە،



قوت و کمیت اعتباریله اولان درین نقصان وضعفمزہ ، زمانک سیاسی و اقتصادی شرائط اعتباریله کویستردیکی مدھش مساعده سز لکه رغماً ایشہ آتیلدق. «خلقیات کلیاتی» عنوانی آلتندہ نشرینہ ابتدارایتدیکمز بومالزمہ مشارالیهک توضیه لری موجبجه عثمانلی تورکلرندن باشلایه رق بوتون دیگر ملی زمرة لرك خلق علم، و فلسفه سنه، ادبیات و صنعتنه شامل اوله جق؛ علم و فلسفه قسمندہ بالخاصه سحر و طبه متعلق طاندر نامه بیلکی و اعتقاد لری، آنا سوزلری کبی حکمیات داخل بولونه جق؛ ادبیات و صنعت قسمندہ ده «أردم باشی تیل» قولنجه مزیت و فضیلتک باشی اولدیفی اینانیلان «دیل» ویا «سوز» ک هر تورلو اشکالنی و موسیقی، رسم، نقش، اینجه ال ایشلری کبی «کوزل هنرلر» ک بوتون اقسامنی اختوا ایدہ جکدر .

بو مالزمه نك، دارالفنون کنج لکندن بکله نه جکی کبی، علمی و اصولی بر طرزده نشری ایچون کافی درجه ده حاضر لانه مامش اولدیغمزی قبول و اقرار ایتمکله برابر اساساً جمعیتک افرادینی «ابتقاء من فضل الله» ملی دیارک برر بوجاغنه داغیتان حیات فیرطینه سی ایچنده، آنجاق اوزون بر صلح دورینک تأمین ایدہ جکی مشترک و متکاتف بر سعی محصولنی بکله مه نك نه درجه دوغرو اوله جقنی صور مقده حقلی یز صانیرز . بوجهتله بوگون ملی عرفان عالمزہ قارشنی یاپه بیلہ جکمز یکانه خدمت ساده جه بوساحده ده بزدن اول صرف ایدیلش مساعی محصوله مملکتمز ایچون «قابل استفاده» برحاله کتیر مکدن عبارتدرکه بونک ایچون ده کلیاتی بالخاصه عملی و اقتصادی ایجاباته توفیقاً مختلف قسم و جزئلره آیره رق پارچه پارچه نشر ایتک مجبوریتندہ بولونیورز .

کلیاتمز اک اول «خلق ادبیاتی اور نکلی» ندن باشلادق . بونی «مانیلر، بیلمه جه لر، تورکولر، دستانلر و ماصاللر و سائر» کبی

بعض قسملره آیریورز . مانیلرک برنجی جزئی ماجار مستشر قلردن « ایغالتس قونوش » ک بوندن اوتوز دورت سنه اول ماجار آقاده میسی معاونت و همیه تورکیاده یاپدینی بر تتبع محصلولی اوله رق « عثمانلی تورکلی خلق ادبیاتی مجموعه سی ، عنوانی آلتند - لاتین حروفاتی - تورکجه اصللری و ماجارجه ترجمه لریله برلکده حروف هجا ترتیبیه نشر ایتیش اولدینی درلی طوبلو کتابندن آلینمه پارچه لردن متشکلدر . واقعا عرقاً ماجار قارداش لری مزه منسوب اولسه بیله بویله ملی بر تشبیده ، بزه نسبتاً یابانچی هر هانکی بر عالمک اسمیه باشلامش اولق ملی حمیت و عزت نفسمزه بر درجه گران کلدیکی اعتراف اولونق لازم کلیر سه ده مومی الهک بوبابده کی غیرت و تقدم شرف و مرتبتی طایمقه گوستره جکمز حق شناسلق و قدر دانلغک اصیل ملت مزه دها زیاده یاراشیر بر کبارلق اوله جفنی دوشوندک . و بوکما مقابل اولق اوزره کلیاتک ایکنجی جزئی باشده دارالفنونمزک کنج و فعال تورک ادبیاتی تاریخی مدرسی کوپرولو زاده فؤاد بکک تدقیق نامه سیله برلکده مختلف ذاتلرک طوبلامش اولدقلری مانیلردن مرکب اوله رق نشر ایتمکی قرار لاشد یردق . بوضورتله دارالفنونک بر قسم کنج لری طرفندن گیریشیلمش اولان بر تشبیده کرک اخلاقی اندیشه و کرک علمی شرف مز تطمین و تأمین ایدیلش اولدینی قناعتنده یز .

قونوش مجموعه سنده موجود ۴۰۱ عدد مانیدن بر قسمی بدیی نظر دن معناسز و لطافتسز و - صرف ارکک و یاقادین جمعیتلرنده سویله ن دیکر بر قسمی ده - تربیوی جهت دن بر آزاچیق و مناسبتسز بولدیغمز ایچون برنجی درجه ده خلقه خطاب ایدن و ناموسکار مانله لر مز آره سنده اوقونه جق اولان بویله برنشه ریاده بونلری تماماً حذف ایتدک . بونکله

برابر دینمزدہ تمیز بر عشقک مرتبہ سی شہادت قادار عالی اولدیغنی بیلدیکمز  
ایچون یکانہ موضوعی طبیعی بر سودانک طاتلی دویغولرندن عبارت اولان  
بوملی بدایع چیچکلری ایچندہ روح اعتباریلہ پک نزیہ وعیف ویا  
اسلوب اعتباریلہ پک شوخ ولطیف اولانلری محبتک قدسیتی وصنعتک  
علویتی نامنہ ابقا ایلهدک .

بو خصوصده نه زمانک ونه ده مملکتک ادبی وجداننه قارشى بر قصور  
ایشله مه مش اولدیغمز قانعز . زیرا اساساً بزده « ادب و ادبیات » کلمه سی  
« اوزده و سوزده دوغرولق و درستلک » صورتندہ « غنوی » بر معنا  
اکتساب ایتیش اولدیغنی کبی صوڭ زمانلرده « سربست صنعت »  
نظریه سنک ، بزہ گورده ، اوروپانک یکانہ ممثلی اولان فرانسه کبی  
بر مملکتده بیلہ « آرتق اولمش » اولدیغنی یکی فرانسز ادبی نسلنه منسوب  
بر شخصیتک دارالفنون قونفرانس سالونی کرسیسندہ باغیرمش اولمه سی ده  
بزم ایچون چوق عبرتلی و معنالیدر . بوندن ماعدا استانبول کبی هم  
دیخی هم ده ملی اجتماعاتمزک مرکز و محراقی اولان بر محیطده ، اخلاقی  
ضابطه مؤسسہ سنک وجودینه رغماً ، قره کوزک مونولوغندن  
اقشامک مترجم حکایه لرینه ؛ آق بابانک رسملرندن سینہ مالرمزک  
فیلملرینه ؛ بعض کتبخانه لرک « خصوصی » نشریاتندن تیارولرمزک  
« عبرتلی » پیه سلرینه وارنجیه قادار یوتون حرثی و بدیعی مؤسساتمز  
« صنعتده حریت » نظریه سنی جانسپارانہ بر غیرتله تطبیق ایتکده اولدقلری  
ایچون بزم ده آریجه بو اجتماعی « انحلاله » اشترا کمزده معنا یوقدر .  
بعض مانیلرک لغوی و صرفی شکلرندہ کی لهجه فرقلری قیسه  
نوطرله شرح ایدیلش اولدیغنی حالده اکثری نباتاته متعلق دیکر برطاقیم  
خصوصی تعبیرلرک آریجه ایضاحنه لزوم کورولمه مشدر . مانیلرک

ترتیبینه کلنجه قونوشك كتابنده بونلر لاتین الفبا صیره سنه گوره دیزیلش  
اولدقلری حالده بزکتابمزدہ طبعی کندی الفبا حرفلرمزه گوره صیره بی  
ده کیشدیردک. بناءً علیه آرانان هر هانکی برمانی لغت کبی عاندبولوندیغی  
باش حرف صیره سنده بولونه بیله جکدر .

معروضاتمزه برخاتمہ اوله رق مملکتتمزک بوتون ملی لسان معلملرندن  
و خلیات مراقیلرندن بویولده جمع وتنظیمنه تشبث و وساطت ایتدیگمز  
ملی عرفان ساحه لرینه متعلق طویلامش اولدقلری مالزمه بی جمعیت کاتب  
عمومیلکنه گوندرمک خصوصنده کی لطف همتلرینی اسیرگه مه ملرینی  
رجا ایدر و بونلرک ترتیب و طبعنه موفق اولدیغمز تقدیرده هر برینک  
واقع اولان شو خدمتلرینی کمال افتخار ایله ذکر و قید ایله جکمز  
تأمیناً وعدایلرز. باقی غیرت و همت بزدن، توفیق و هدايت اللهدندر .







آ بنم اسمر یارم ،  
کندندن یوصمه یارم ؛  
جاهلم عقم ایرمز ،  
سن بگا کوسمه یارم .

آدا یولی توز اولدی ،  
یار کیتدی کلز اولدی ؛  
یا خبر یا کندک کل ،  
یورمک دایماز اولدی .

آ بنم باشی شالیم ،  
داغلری دولاشالم ؛  
دنیاده قاروشماق ،  
آخرتمه بولوشالم .

آرپه ا کدم بیچرم ،  
یولم بودر کچرم ؛  
او یار بنم اولورسه ،  
بن دنیادن کچرم .

آ بنم بوز چیچکم ،  
ناصل سندن کچیم ؛  
عهد ایتدم یمن ایتدم ،  
یولکه اوله جکم .

آرپه لر نه وولک نه وولک ،  
داداندی قارا لیلک ؛  
قیشی بوردا قیشلادق ،  
یازین آیردی فلک .

آ بنم هندی \* کوزلم ،  
تپه دن ایندی گوینم \*\*  
دکه گله قونمازکن ،  
دیکنه قوندی گوینم . \*\*

آرمود دالده ساللانیر ،  
یره دوشر باللانیر ؛  
بر اوغلان وزیر اولسه ،  
ینه قیزه یالواریر .

\* هندو-قاره .  
\*\* کوکلم .

۱۳

آق اوزومك آسمه سی ،  
چتین اولور کسمه سی ؛  
نه مشکلمش بیلمه دم ؛  
کیزلی کوکل چکمه سی .

۱۴

آقشام اولدی ایکندی ،  
موم شامدانه دیکیلدی ؛  
ایلرک یاری گلدی ،  
نیم بو نیم بو کولدی .

۱۵

آقشام اولدی نیلیم ،  
دردم کیمه سویلیم ؛  
کوزم دیکنی آقشام ،  
سنی یارسز نیلیم ؟

۱۶

آقشامك آغریسن کور ،  
آج باغرم یاراسن کور ؛  
بندن سکا فایده یوق ،  
وار باشك چاره سن کور .

۹

آصلم تکیر طاغیدر ؛  
باشم یاره باغیدر ؛  
چوزمه رقیب چه وره می ،  
یار آلله باغیدر ؛

۱۰

آسمه ده اوزوم سکا ،  
کمیدر سوزم سکا ؛  
صبح ییلدیزی گبی ،  
دیکشم کوزم سکا .

۱۱

آسمه ده اوزومه باق ؛  
تجه بگزمه باق ؛  
هر نه قادار سهومزسهك ،  
کولهرك یوزمه باق .

۱۲

آغستوسده صویه کیرسم ،  
بالطه کسمز بوز اولور ؛  
آلتشنده بریار سوسم ،  
اون بشنده قیز اولور .

۱۷

آقشامك وقتى كچدى ،  
بركوزل باقدى كچدى ؛  
صاجنى كند ايتدى ،  
بوينه آتدى كچدى .

۲۱

آلتون طاشده اوزوم وارم  
يورە كمدە صيزيم وار ؛  
استانبول اللہہ امانت ،  
ايچندە برقوزوم وار .

۱۸

آلتون طاباق اولايديم ،  
يار اوگنە قونايدم ؛  
يارم اثواب بچينمش .  
ترزيسى بن اولايديم .

۲۲

آلتون طاشده بوغوردم ،  
غم ايچندە بوغولدم ؛  
آنا بەلك بوگولسين ،  
درد ايچين مى دوغوردك .

۱۹

آلتون طاماق اون آما ،  
بشين آل بشين آما ؛  
عنراييل قابويه كلدى ،  
جانم آل اشم آما .

۲۳

آلى فيرين اوستى فيرين ،  
آل بورومجكه بورمون ؛  
سنگ عاشقك چوقدر ،  
بردانه سنە گورون .

۲۰

آلتون طاباقده ويشنە ،  
كل كوزم عشقه دوشمنە ؛  
بو عشقك صوگى يوقدر ،  
نافله ديله دوشمنە .

۲۴

آلچاق كيرەزك دالى ،  
آلتندە يشيل خالى ؛  
بنى يارە قاووشدور ،  
يا محمد يا على .

۲۹

آیاغنده یمنی ،  
ظالم اولدوردی بنی ؛  
اسکی یارم دویارسه ،  
نه سنی قور نه بنی .

۳۰

آی اولایم اولایم ؛  
بوینکه دولانایم ؛  
سنک کبی کوزه لی ؛  
آلایم ده قاجایم .

۳۱

آی دوغار آشوق ایستر ،  
بال دوداق \* یاشاق ایستر ؛  
شو بنم دلی کوکلم ،  
یاره قاووشوق ایستر .

۳۲

آی دوغار آنستاندن ،  
گون دوغار گلستاندن ؛  
بنم جانم قارپوز ایستر ،  
یتمش ایکی بوستاندن .

۲۵

آل یلک پنبه دوکمه ؛  
ینه کلدک کوکلمه ؛  
یار عقلمه کلدکجه ؛  
قان داملار یوره که .

۲۶

آل یلکک سوکولسون ،  
دوکمه لری دوکولسون ؛  
بنی یاردن آیران ،  
آغزی دیلی طوتولسون .

۲۷

آمان آمان بغدادلی ،  
جلوه سی بالدن طاتلی ؛  
بگا دیرلر یاردن کیچ ؛  
یناغی بالدن طاتلی .

۲۸

آ مردم مردم مردم ،  
کیم بیلیر بنم دردم ؛  
آغاچلر قلم اولسه ،  
کیمسه یازاماز دردم .

\* ویا : سه و دیکم



۳۳

آی دوغار آيازلانير ،  
گون دوغار بياضلانير ؛  
کلين اوله جق قيزلر ،  
هم کيدر هم نازلانير .

۳۴

آی دوغار بدر الله ؛  
هرشيئه قادر الله ؛  
بنی ياره قاووشدور ،  
يا بنی قالدير الله .

۳۵

آيدينک اوواسنده ،  
موم يانار صوفاسنده ؛  
بسم بر افنديم وار ،  
کوکلیمک اورتاسنده .

۳۶

آينا آتدم چايريه ،  
شوقی وورمش بايريه ؛  
کلک دوستلر سير ايدک ،  
ايشم دوندی خيره .

۳۷

آينا آتدم چنه ،  
چنک چيچکنه ؛  
اپيک اولوب صاريلمسم ،  
يارمک پرچنه .

۳۸

آيه باق ييلديزه باق ،  
دامده دوران قيزه باق ؛  
جلوه سنه دويولماز ،  
أيله ديکی نازه باق .

۱

۳۹

أريدم قاميش اولدم ،  
بر سودايه دوش اولدم ؛  
بوسودانک اوجندن ،  
يوا طوتماز قوش اولدم .

۴۰

ألف اوستنده ميملر ،  
بلبل يوواده ايگلر ؛  
بنم گوينده \* سنسک ،  
سنک کوکلیمکده وار کيملر ؟

\* کوکلیمده

۴۱

ألما آتدم کلینه ،  
کلین آلاماز آلنه ؛  
یازیق اینجه بلنه ،  
دوشدی سرخوش آلنه .

۴۵

ألمایم آلاما بنی ،  
سودایه صالما بنی ،  
کوتور صرافه کویستر ،  
قالپ ایسه م آلاما بنی .

۴۲

ألماس یوزوک آلد یار ،  
اکرامندن دوندی یار ؛  
او دوندیه نه دیرم ،  
بنده دیرم اولدی یار .

۴۶

ألمایه باق ألمایه ،  
آهم یرده قالمايه ؛  
سلاحی قوشانمش ،  
کیتدی دوشمان قیرمه یه .

۴۳

ألماس یوزوک پارماقده ،  
چیفته به نه ک \* یاناقده ؛  
بیم بر آفندیم وار ،  
شوقارشیکی قوناقدده .

۴۷

ألمای آه آه ،  
شفتالی صاته صاته ؛  
کیمکرم قورودی ،  
محبوسده یاته یاته \*\*\*

۴۴

ألما ویردم آلامازسک ،  
سن آلامازدن \*\* قالمازسک ؛  
هانکی باغک کلیسک ،  
زمهریده صولمازسک .

۴۸

ألمای بیچاقلادم ،  
دورت یانه صاچاقلادم ؛  
یاری قوینده صاندم ،  
یاصدینی قوجاقلادم .

\* یاخود : چیفته بکلر

\*\* ألما یاخود ألماس

\*\*\* هر یانلرم دلیندی ، یالکزیاته یاته ؛

۵۳  
 اُنْتاریك آل دكلى ،  
 بدنك دار دكلى ؟  
 كلكى ایللر آلمش ،  
 بو سكا عار دكلى ؟

۵۴  
 اُنْتاریم دار بدن یار ،  
 بنی قویوب کیدن یار ؟  
 اول بویله دکلدك ،  
 سنی بر او کرمدن وار .

۵۵  
 اُنْتاریم ماوی بزدن ،  
 نه تیز اوصاندك بندن ؟  
 اوصانه جفك بیلهدم ،  
 آرزوم آیردم سندن .

۵۶  
 اُنْتاریمی آصایم ،  
 صاندیقلره باصایم ؟  
 یارمی ایللر آلمش ،  
 بن کنیدی آصایم . \*\*

۴۹  
 اُلْمده صاری کاغد ،  
 آغلارم ساعت ساعت ،  
 یارم اوردا بن بوردا ،  
 هیچ ایدرمی یم راحت \* .

۵۰  
 اُلْم ووردم زیتینه ،  
 اویدم ایللر سوزینه ؟  
 دیز دیزه دورور ایکن ،  
 حسرت قالدیم یوزینه .

۵۱  
 اُلْم آتدم زیتینه ،  
 زیتینك ایریسنه ؟  
 بن بختمی ده نه یم ،  
 ییکیتك اییسنه .

۵۲  
 اُلْنه آلدی سازی ،  
 اَتمه یارم بونازی ؟  
 بر شفتالی ویر بگا ،  
 کچیریم بویازی .

\* یاربی سن قاووشدور ، یاتایم راحت راحت .

\*\* اُنْتاریمی قاصایم ، باغرمه طاش باصایم ؟

اگر یارم کلزسه ، بن کنیدی آصایم .

۵۷

تکیناری حاشلادم ،  
دولدورمغه باشلادم ؛  
کوچو کدن بریار سودم ،  
آیللره باغشلادم . \*

۵۸

اودالره قول اولدم ،  
صولر کبی دورولدم ؛  
ککلو سندن آیرلدم ،  
باشقه سنه وورولدم .

۵۹

اوزاقدور سچیلمه یور ،  
گوکلدر کچیلمه یور ؛  
گوکل بر طوپ ابریشم ،  
دولاشمش آچیلما یور .

۶۰

اوزونسک صیریق کبی ،  
اکشیسک قوروق کبی ؛  
نه سرسفیل کزرسک ،  
سناشیرمش طاووق کبی .

۶۱

اوغرادم قامیش اولدم ،  
آریدم کوموش اولدم ؛  
بن بو عشقه دوشه لی ،  
بر آواره قوش اولدم .

۶۲

اوفاجق ایگنه سنه ،  
قائلم جلوه سنه ؛  
بن یارمله قاووشدم ،  
داریمی جمله سنه .

۷۳

اوفاجق فیسکه طاشی ،  
یاندی یوره کم باشی ؛  
نه یاردن خبر کلدی ،  
نه دیندی کوزم یاشی .

۶۴

اوفاجق قوش اوزومی ،  
گورسه یارک یوزینی ؛  
اویور اویقودن اویانسه ،  
اوپسه مالا کوزینی .

۶۵

اوفاجق مسك صابونی ،  
اولدم یارك زبونی ؛  
بن مزاره کیرسه م ،  
یار چکسین عذابنی .

۶۹

ایسکله ده قایققر ،  
صوده اوینار بالقر ؛  
نه اویله سودا کوردم ،  
نه بویله آریلققر .

۶۶

ایپ اوستنده محرمه  
نمه بولدك بهانه ؛  
کیدر ایسه م کلیرم ،  
کومور کوزلوم آغلاما .

۷۰

ایکی چشمه یان یانه ،  
صو ایچدم قانه قانه ؛  
سنی دوغوران آنا ،  
اولسون بگما قاینانا .

۶۷

ای قابلالی امینه ،  
کل باغچه نك دینه ؛  
آلدم سکا بر قوشاق ؛  
صاری ویر انجه بلگه .

۷۱

ایکی قایق یان کیدر ،  
کاه اگلنیر کاه کیدر ؛  
یاری فنا اولانك ،  
یوره کندن قان کیدر .

۶۸

ایزمیرك قالای وار ،  
کوزهلر آلالی وار ؛  
دوشونمه بهی گوگل ،  
هر ایشك قولای وار .

۷۲

انجه بالی یار کلیر ،  
اینجیلی فوطه دار کلیر ،  
بگما یاردن آریلق ،  
شو زمانده عار کلیر .

\* یاخود : اییه سردم ماحراما ، کومور کوزلوم آغلاما ؛  
بن کیدر سه م کلیرم ، قارالی باغلاما .

سودا نه در بيلمزدم ،  
اوده گلدی باشمه .

ايندم چشمه باشنه ،  
ياغلق سردم طاشنه ؛

ب

باغچه لرده اوروچك ،  
اولورمی کورمه نچك ؟  
بردها يار سومه يم ،  
اصلنه ايرمه نچك .

باغچه ده صاری خالی ،  
اوستنده خورما دالی ؛  
يارب مرادمی وير ،  
يا محمد يا علی .

باغچه لرده بال قاباق ،  
آچيلمش طاباق طاباق ؛  
ايشته بن کيديورم ،  
اينا نمازسه ك كل ده باق .

باغچه ده قورو چيچك ،  
اوستنه قونار بوجك ؛  
کيتدم يارمه صوردم ،  
نجی سوه رمی کرچك ؟

باغچه لرده بال قاباق ،  
ألمده آلتون طاباق ؛  
شو نجی سومن ايکن ،  
آلدیقي متاعه باق .

باغچه لرده أنکینار ،  
أنکینار ك دنکی وار ؛  
بن يارمی طانیرم ،  
صاقلنده بگی وار .

۸۴

باغچه لرده خام اریک ،  
یوره کم دلیک دلیک ؛  
بنم برافندیم وار ،  
یا حوری در یا ملک .

۸۰

باغچه لرده بلبلر ،  
آچیلیمش تازہ گلر ؛  
آلدن نہ کلیر بوگا ،  
سویشمشدر کوگلر .

۸۵

باغچه لرده خورمایم ،  
یشیل باشلی طورنایم ؛  
سندن باشقه سورسم ،  
کنجلیکمه دویمایم .

۸۱

باغچه لرده باطلیجان ،  
یاری کوردی قوبدی جان ؛  
اوده سکا قوربان اولسون ،  
سینه ده کی طاتلی جان .

۸۶

باغچه لرده رزہ نہ ،  
میل ویردم کوزہ له ؛  
باللهی قان ایدہ رم ،  
یارم ایله کزہ نہ .

۸۲

باغچه لرده تک لاله ،  
کوکل ویردم پک یارہ ؛  
یونیم زنجیرده اولسون ،  
آلم یتسه تک یارہ .

۸۷

باغچه لرده ساز اولور ،  
گل آچیلیر یاز اولور ؛  
بن یارمه گل دیم ،  
گلک عمری آزا اولور .

۸۳

باغچه لرده خام اریک ،  
دالری دلیک دلیک ؛  
یارم کوسمش کیدیور ،  
پرچی بولوک بولوک .

۸۸

باغچه لرده شفتالی ،  
 بنم یارم پک نازلی ؛  
 او یار بندن قاچیور ،  
 یوره کم مردم باصلی .

۹۲

باغچه لرده فیل بحری ،  
 وار کیت ایللرک یاری ؛  
 سن بگنا یار اولمازسک ،  
 یوزمه گولمه باری .

۸۹

باغچه لرده صارماشیق ،  
 اولشم سگنا عاشق ؛  
 یار عقلمه دوشرسه ،  
 امدن فیملار قاشیق .

۹۳

باغچه لرده فیلم وار ،  
 نه طاتلیجه دیام وار ؛  
 آچدم گوزم سنی گوردم ،  
 سندن غیری کیم وار ؟

۹۰

باغچه لرده صدف یار ،  
 اولیورم مدد یار ؛  
 بن بو درددن اولورسه ،  
 اولومه سبب یار .

۹۴

باغچه لرده قاییمی ،  
 یره دوشر یاریسی ؛  
 بنم بر اقدیم وار ،  
 استانبولک یاریسی .

۹۱

باغچه لرده عطرشاه ،  
 بوی اوزون کندی شاه ؛  
 ایکی کوکل بر اولسه ،  
 آیراماز پادشاه .

۹۵

باغچه لرده قلم وار ،  
 آردمزدن کلن وار ؛  
 یگی یار شویله دورسون ،  
 اسکی یاردن سلام وار .



۱۰۰

باغہ کیتدم نار ایچین ،  
کل قوباردم یار ایچین ؛  
آنالر قیز دوغورمش ،  
دلیقانلیلر ایچین .

۱۰۱

باغہ کیردم قامیشه ،  
صونه یاپسین یامشه ؛  
مولام صبرلر ویرسین ،  
یارندن آیریلشه . \*

۱۰۲

بختیاردر بختیار ،  
بختیارک درد ی وار ؛  
بو نیت کیمه چیقارسه ،  
دولت ایله بختی وار .

۱۰۳

بر آہ ایتدم درونمدن ،  
داغلر اوینادی یرندن ؛  
نیجه بن آہ ایتیم ،  
یارم کیتدی آلمدن .

۹۶

باغچہ لردہ کرہ ویز ،  
یاپراغنی دہ نہرز ؛  
آلم چکمه نازلی یار ،  
بزمراہ ایرہرز .

۹۷

باغچہ لردہ مارسوما ،  
حالمدن آگلہ سہک آ ؛  
چوق کوزہل سہودم آما ،  
ایو اللہم وار سگا .

۹۸

باغچہ لردہ یشیل سلوی ،  
صدق ایله سہودم سنی ؛  
بر قیلگہ بیگ آلتین ،  
ویرسہلر ، ویرم سنی .

۹۹

باغفر باغچہ سز آدام ،  
باغچہ میوہ سز آدام ؛  
قالایسز قابہ بگنزر ،  
دنیاہ یارسز آدام .

مولام صبرلر ویرسین ،  
یارندن آیریلشه .

\* یاخود : براود دوشدی قامیشه ،  
صونه یاپسین یامشه ؛

۱۰۴

بر اوق آتدم خایه ،  
 دوشدی دیوانخانه یه ؛  
 بنی یاردن آیران ،  
 دوشسون تیمار خانه یه .

۱۰۸

بر قاونوز رچل ،  
 بو کونلر کلیر کچر ؛  
 آغزم دیلم سویله من ،  
 فکرمدن نه لر کچر .

۱۰۵

بر دالده ایکی جویر ،  
 آرامز دریا ده کیز ؛  
 سن اوراده بن بورده ،  
 نه بت قالدی نه بکیز .

۱۰۹

بر قوش قویدم آغاجه ،  
 قانادلری آلاجه ؛  
 یکیدن بر یار سه ودم ،  
 قاشی کوزی قاره جه .

۱۰۶

بر ده گیرمی تولبند آلدیم ،  
 دالدم قوزوم سکا یاندم ؛  
 حالا کوکلم آریلاماز ،  
 دنیا باتسه بن دایاندم .

۱۱۰

بغداد بغداده باقار ،  
 آرا یردن جای آقار ؛  
 ایتمه بو جفایی یار ،  
 ینه یوز یوزه باقار .

۱۰۷

برده گیرمی شال آلدیم ،  
 داغلر باشنده قالدیم ؛  
 انتظاره \* دیلم وارماز ،  
 سنی مولایه صالدم .

۱۱۱

بغداده پاشا کلدی ،  
 خلقه تماشاکلدی ؛  
 بر ألم یار قویننده ،  
 بر ألم بوشه کلدی .

۱۱۶

بن بر آووج بیرم ،  
ا کوب ا کوب کیدرم ؛  
ایل نه دیرسه قو، دیسین ،  
بن بیلدیکم ایدرم .

۱۱۷

بن بر آووج بیرم ،  
صوفره گزده بیترم ؛  
یوزدن کولر اوینارم ،  
دروغمن توترم .\*\*

۱۱۸

بن بر آووج کیشینشم ،  
گونشلرده پشمشم ؛  
قینامایک آدوستلر ،  
یککی عشقه دوشمشم .\*\*\*

۱۱۹

بن بر غریب قوش ایدم ،  
دالکه قونمش ایدم ؛  
نیچین بنی داریلندک ،\*\*\*\*  
بن سنک اولمش ایدم .

۱۱۲

بغداده کیدن اولسه ،  
عرضحال ویرن اولسه ،  
بغداد سفی یاقارم ،  
یاره بر حال اولورسه .

۱۱۳

بک اوغلی چارشى بازار ،  
ایچنده بر قیز کزیر ؛  
النده قورشون قلم ،  
قتلمه فرمان یازار .

۱۱۴

بکم آقشام اولنجه ،  
تللی موملر یانجه ،  
سکا نه لر آلایم ،  
نم کوینم \* اولنجه ؟

۱۱۵

بن بر آووج بولغورم ،  
صو ایچنده دورغونم ؛  
ایل نه دیرسه قو، دیسین ،  
بن یارمه وورغونم .

\* کوکلم

شیندی قالقار گیده رم ؛  
نرملره دوشمشم ؟

\*\* سن بنی چوق داریلتما ،  
\*\*\* نرملرک قوشی ایدم ،  
\*\*\*\* نیچین بکا قیش دیدک .

۱۲۲

بوكون هوا يوزاريق ،  
باشده دورماز بوزاريق ؛  
اكيل بر يول اوپيم ،  
بلکه يولده صوصارق .

۱۲۳

بوكون هوا زنبلی\* ،  
اوتر يارک بلبلی ؛  
بن بوكون بر يار سهوادم ،  
استانبولک بر گلی .

۱۲۴

قيامته جک يان کوکلم ،  
دوشه مدم دنکنه .

۱۲۰

بن نار آغاجی دکیلم ،  
یل اسدکجه اکیلم ؛  
قاجا کوزمل قارشیمدن ،  
بن دوشمانک دکیلم .

۱۲۱

بوكون بازار ايرتهسی ،  
ياندی يورهك اورتاسی ؛  
اكيل بر گز اوپيم ،  
ايريلقدر اونهسی .

پ

۱۲۶

نجره دن سس کلیر ،  
دوره لردن صو کلیر ؛  
نه یلیم اویله یاری ،  
آیده ییلده بر کلیر .

۱۲۵

پاموق\*\* آتدم چاییره ،  
چاییرک چنته ؛  
ایپک اولسه م صاریلسم ،  
یارمک ائکنه .

\* سنبل  
\*\* پاموق

۱۲۷

چرخ فلک اولوبده ،  
یاری بگما دوندوریم .

پورتقالی اویدورایم ،  
ایچنه گل دولدورایم ؛

ت

۱۳۰

تجرده قاوورما ،  
قاوورمائی صاوورما ؛  
دها دولت باشمده ،  
کیتدی دییه قاییرما .\*\*

۱۲۸

تپسییه قویدم ناری ،  
آغلارم زاری زاری ؛  
ضربت ایلہ یوللادم ،  
قیورجیق \* بنلی یاری .

۱۳۱

توفکم چاقدم الماز ،  
کوزم آوجیدن ییلماز ؛  
نجی سودایه یاقدی ،  
کیتدی اللهدن قورقماز .

۱۲۹

تکیه لردن هو کلیر ،  
چشمه لردن صو کلیر ؛  
سن اوراده بن بوراده ،  
المزدن نه کلیر ؟

ج

۱۳۳

جانفس فستان کیه مم ،  
ده کمه یاری سوہ مم ؛  
بن برکوزمل یارسه ودم ،  
اوتانیرم دیه مم .

۱۳۲

جانفس شالوار کوبکده ،  
بر یارم وار غربتده ؛  
هم واللہی هم باللہی ،  
سوہدم جان کو گلده .

\* یووارلاق

\*\* غم ییہ .

ج

۱۳۴

چاقى قويدىم يانمە ،  
اوجى كىردى جانمە ؛  
او كە بنى سومزىڭ\* ،  
ئىچىن قىدك جانمە ؟

۱۳۷

چىكىمىجە مەك تىختەسى ،  
بوكون بايرام ھەفتەسى ؛  
يارم ھامدىن چىقىمىش ،  
بىگامى يارك طاوراسى. \*\*

۱۳۵

جاير اينجە بىچىلمىز ،  
سو بولانىق اىچىلمىز ؛  
يىگادىرلر ياردن كىچ ،  
يار طاتىدەر كىچىلمىز .

۱۳۸

چىكىمىجە مەك كىلدى ،  
اوستنى توز بورودى ،  
كلە جىكسەك كل ايندىك \*\*\*  
غەرىب كوينم \*\*\*\* چورودى .

۱۳۶

چىشمە باشى بومىدر ،  
ايچى دولو سومىدر ؟  
ياقدك بنى بە ظالم ،  
صوك جوابك بومىدر ؟

۱۳۹

چىكىمىجە مەك كىلدى ،  
اوستنى كول بورودى ؛  
آلە جىقسەك آل بنى ،  
كىل مەلر چورودى \*\*\*\*\*

\* مادام كە بنى سەۋەيۈرسىڭ ،

\*\* طور وىنمايشى

\*\*\* ايمدى ، شىمىدى

\*\*\*\* كوكىلم

\*\*\*\*\* سىن اورادە بن بورادە ،

اولان غەرىم چورودى .

۱۴۰

چکمیجی چکمی ،  
گلدن کوملک بیچمی ؛  
بن یارمدن کچمی .

۱۴۳

چوردم وار دورت کوشلی ،  
ایچی صیرما دوشلی ؛  
أریوب هلاک اولدم ،  
یار عشقنه دوشلی .

۱۴۱

چو نوغم اوزادیم ،  
یار یولن کوزدهیم ؛  
یارم سنک دنکک یوق ،  
کیملره بگزدهیم ؟

۱۴۴

چیلہ بلبل چیلہ ،  
چیل دوشمش غنچه گلہ ،  
یارک چیرکین سن کوزمل ،  
ناصل یاتارسک بیله \* .

۱۴۲

چوردمک اوجن آچدم ،  
بن یار دیدم سن قاجدک .  
یاراللهدن بولاسک ،  
پردہلی کوزم آچدک .

۱۴۵

چنہ باصما یارم ،  
کندندن یوصمه یارم ؛  
فلک بزی آییردی ،  
سلامی کسمه یارم .

۱۴۶

بو عشقک صوکی چیقماز ،  
نافله دیله دوشمه .

چینی طاباقده ویشنه ،  
کل کوکل عشقه دوشمه ؛

## ح

۱۴۷

حاووزم دورت کوشه لی ،  
ایچی مرمر دوشه لی ؛

أریدم هلاله دوندم ،\*  
بن بو عشقه دوشه لی .

## خ

۱۴۸

خسته یم یوق درمانم ؛  
آل قان اولدی مریانم ؛  
بر کون اولور البته ،  
قاووشورز جوانم .

۱۴۹

خوش کلدک صفا کلدک ،  
جانمه جفا کلدک ؛  
نه بن اولدم قورتولدم ،  
نه سن انصافه کلدک .

## د

۱۵۰

داغ باشنده پنجره ،  
آل اوزاتدم اینجیره ؛  
درویش پاشا دیوارسه ،  
وورور سزی زینجیره .

۱۵۲

داغ باشنده ده کیرمن ،  
دگمه کله اکیلمم ؛  
بنم یارم یوصمه در ،\*\*\*  
آیله باقوب یربنم .

۱۵۱

داغ باشنده ده کیرمن ،  
بویرده اگله نه مم ؛  
نه سندن واز کچرم ،  
نه غیری یارسوه درم .\*\*

۱۵۳

داغدن ایندیردم قوردی ،  
آتم ترله دی دوردی ؛  
بنی یاردن آیران ،  
اولماسین یری یوردی .

\* ویا : یانا یانا کول اولدم ،  
\*\* «سوه مم» اولسه کرکدر .  
\*\*\* شکر یارم پک کوزمل ،



۱۵۸

دہرہ بوی کیدہ مم ،  
یدی دوه کودہ مم ؛  
چک دوه جی دوه کئی ،  
بن یار مسز کیدہ مم .

۱۵۹

دہ گیرمنگ دنکنده ،  
قالا یلادم طاوایی ؛  
بن کیدرسہم نظامہ ،  
کیم آلہ جق حوایی ؟

۱۶۰

دہ گیز اورتاسی تہکنہ لی ،  
ایچنہ گل اُکلی ؛  
توکلہ یار سویلز ،  
عمر کوتاہ ایتلی .

۱۶۱

دہ گیز اورتاسی میلدر ،  
بزی سویلہ تن دیلدر ؛  
برسن سویلہ بردہ بن ،  
باقالم دردلی کیم در ؟

۱۵۴

داغده خرار اولورمی ،  
یانانده قرار اولورمی ؟  
عشقدن یاندم کول اولدم ،  
بکا فرمان اولورمی ؟\*

۱۵۵

دالده آرمود صاللانیر ،  
یرہ دوشر باللانیر ؛  
شیمدی بر مودا چیقمش ،  
قیز اوغلانہ یالواریر .

۱۵۶

دستمالک کر کفده ،  
بریار سہ ودم اُردکده ؛  
اُردگده در اُردکده ،  
سودای وار یورہ کده .

۱۵۷

دستمالک ماوی در ،  
بویور گلین اُوی در ؛  
ایشته بن کیدیورم ،  
سفی کیملر اویودور ؟

\* یاخود: داغده اولورمی خرمان ، عشقدن یاندم کول اولدم ،  
عشقہ اولورمی فرمان ؟ کولده اولورمی درمان ؟

۱۶۲

دە گیز اوسق آیدینلق ،  
 هایدی دیدم قالقیندق ؟  
 بن یارمه یار دیدم ،  
 ایله دوشدی بایغینلق .

۱۶۶

دە گیزك ایچندهیم ،  
 قایغك قیچندهیم ؟  
 عیلاماك قارداشلر ،  
 بر آتش ایچندهیم .

۱۶۳

دە گیز ایچنده سرایم ،  
 سنی کیمه صورایم ؟  
 سنسز کچن عمرمی ،  
 بن عمرمی صایایم ؟

۱۶۷

دە گیزك دیی ایلغین ،  
 اوچ کوزهل بگا وورغون ؟  
 ایکسی شویله دورسون ،  
 بری بویمه اویغون .

۱۶۴

دە گیز دیی تکنهلی ،  
 کل ، قرانفیل ا کملی ؟  
 کوزهل یار سه وودك اما ،  
 بر آرزومت چکملی .

۱۶۸

دە گیزه دالدم چیقدم ،  
 مهاجر اولدم چیقدم ؟  
 اوچ کوزه لك ایچنده ،  
 جواهر آلدیم چیقدم .

۱۶۵

دە گیز دیی مناره ،  
 دالغه ووردی کناره ؟  
 بن یارمدن واز کچم ،  
 ایلر دورسون کناره .

۱۶۹

دیواردن ایندم آتسز ،  
 برألما ییدم طاتسز ؟  
 یارم اوردا بن بوردا ،  
 ایکیمزده مرادسز .

۱۷۰

ہر کس یارنی آلمش ،  
بن یارک دردندیم .

دیوارک آلتندیم ،  
اطرافک دردندیم ؛

ر

۱۷۲

رافلردہ آلتین سینی ،  
باللہی سہ ودم سنی ؛  
اوپمہ یہ قیامادم .  
ایللرہ ویردم سنی .

۱۷۱

رافدہ کی اوزومہ باق ،  
قاشمہ کوزمہ باق ؛  
ایچردن دارغینسہ کدہ ،  
گولہرک یوزمہ باق .

۱۷۳

انمده بر یارم وار ،  
آدینی شاہین قویدم .

رافہ برفجان قویدم ، \*  
ایچینہ طاحین قویدم ؛

س

۱۷۵

سیاہ اوزوم صالحیمده ،  
یاپراغٹک آلتندہ ؛  
یارمک محبتی ،  
دروٹمک آلتندہ .

۱۷۴

سن بنم صاریلیمسک ،  
سویله سہم داریلیرسک ؛  
ایلار یارکئی آلمش ،  
سن کیمہ صاریلیرسک ؟

\* رافلرہ صحن قویدم .

۱۷۷

سیاه صاحم اورکوسی ،  
 درونمده سهوگیسی ؛  
 آرامقله بولونماز ،  
 بوده خدا ویرگیسی .

۱۷۶

سیاه اوزوم صالحیمی ،  
 یارم اورده صالحیمی ؛  
 یا یارمی ویررسک ،  
 یا بوزارم عقلمی .

ش

۱۸۱

شو داغک مورینه باق ،  
 چیچکک زورنه باق ؛  
 ألم چکمه نازلی یار ،  
 هرایشک صوگنه باق .

۱۷۸

شراب ایچدم طاس قالدی ،  
 یوره کده پاص قالدی ؛  
 یار ایله قونوشمغه ،  
 چوغی کیتدی آز قالدی .

۱۸۲

شو داغلر اولماییدی ،  
 چیچکم صولماییدی ؛  
 اولوم اللهک امری ،  
 آیریلق اولماییدی .

۱۷۹

شمشیر پیراغن دوکمز ،  
 محبت جاندن کیتمز ؛  
 بوکوزلر سنی گوردی ،  
 غیریسنه خیر ایتمز .

۱۸۳

شوقارشیدن کلن قیز آتلی میدر ؟  
 صورک بغدادلی میدر ؟  
 هر کلن یاری صورار ،  
 یار بو قدر طاتلی میدر ؟

۱۸۰

شوداغک 'وواسندن ،  
 صو ایچدم قوغه سندن ؛  
 ألم ایشه وارمایور ،  
 شو قیزک سوداسندن .

۱۸۴

شو قارشیدہ یومورطہ ،  
یارم بنی اونوتما ؛  
ہرزہ یہ کیدرسہک ،  
کوز یاشیگی قوروتما .

۱۸۵

شو کلن کیمک اوغلی ؟  
آوروپاسی \* پک زورلی ؛  
آوروپانک اوستندہ ،  
قزیللی یازمہ باغلی .

۱۸۶

شقاغندہ گل آچش ،  
صاندم سحر ییلدیزی .

شو کلن کیمک قیزی ؟  
فہرہ جہسی \*\* قیرمزی ؛

### ص

۱۸۷

صاچلرک ، حوری ، تلدن ،  
آہ وزار چکمہ بندن ،  
نیجہ بوجان تندہ در ،  
آیریلق یوقدر سندن .

۱۸۹

صاری ایپک بوکرم ،  
سرم سکا دوکرم ؛  
یازیق دکللی بگا ،  
عشق وسودا چکرم ؟

۱۸۸

صاچم اوزون ، قالقمايور ،  
یار یوزمہ باقمايور ؛  
یار اوستمہ یار سہومش ،  
هیچ اللہدن قورقمايور .

۱۹۰

صاری جوخہنک آسمی ،  
کوکل صارارتدک بنی ؛  
آی کچر کوندہ کچر ،  
بر کون صارارم سنی .

\* صاچتووالتی دیمکدر .

\*\* فراجه

۱۹۱

صاری قاوون دیلمی ،  
اوچوردم بلبلی\*؛  
چیقسیم داغلر باشنه ،  
آراسیم سو کیلمی .

۱۹۲

صاری قاوونی کسدم ،  
صراحی بویلی دوستم ؛  
نه دیدم نه یه کوسدک ،  
شکر ایله بال دوستم .

۱۹۳

صاری کاغد باغلایم ،  
یوره کمی داغلایم ؛  
سندن خبر کلزسه ،  
کیجه کوندوز آغلایم .

۱۹۴

صاری کلم نه نازک ،  
او یار بگا مناسب ؛  
بن دیرم صاریلایم ،  
کوکل ایدر یا نصیب .

۱۹۵

صاری کلم وار بنم ،  
چوق غیرتم وار بنم ؛  
ایوب سلطان مثالی ،  
پک چوق صبرم وار بنم .

۱۹۶

صاری کلم یرنده ،  
سنگ انصاف زره کده ؛  
صوچ بنده دکل سودیکم ،  
سکا کوکل ویرنده .

۱۹۷

صاری گوزه لم بدن یار ،  
بنی براقوب کیدن یار ؛  
سن اول بویله دکلدک  
سنی بر او کره تن وار .

۱۹۸

صاری مندیله آلددر ،  
لاهوری شال بلدهدر ؛  
قید ایتمه آجوانم ،  
ینه کوینم\*\* سندهدر .

\* ویا: شاهینمی  
\*\* کوکل

۲۰۲

صوده بالق یان گیدر ،  
کاه اگله نیر کاه گیدر ؛  
بن بوگون یاری گوردم ،  
ایچریمدن قان گیدر .

۱۹۹

صباحدن قارقارسک ،  
مکتبه کیدرسک ؛  
مرامک مکتب دکل ،  
چاقینلق ایدرسک .

۲۰۳

صو گلیر طاشلردن ،  
قارشیکی یاماجلردن ؛  
توزلغمه باغ ثورهیم ،  
او سونفوللو \* صاچلردن .

۲۰۰

صحن صحن بوکرو لجه ،  
بن ایسته مم کورو ججه ؛  
اوغلان صاو او جادی بی ؛  
چینه لم اولنجه .

۲۰۴

صو گلیر مردین مردین ،  
کیم بیلیر کیمک دردین ؛  
دکز مرکب اولسه ،  
توکنمز بنم دردم \*\* .

۲۰۱

صو آقار طاشه ده گر ،  
کیرپیکلری قاشه ده گر ؛  
قاییرما نازلی یارم ،  
بر کون باش باشه ده گر .

---

\* قباریق ، طوپ طوپ  
\*\* یاخود: صو گلیر مردین مردین ،  
آگلماز بنم دردم ؛  
دریا مرکب اولسه ؛  
آغاجلر قلم اولسه ،  
یازیلاز بنم دردم

## ط

۲۰۵

طاباقدہ ابی رچل ،  
قارا کون گلیر گچر ؛  
عسکرہ کوکل ویرن ،  
آہ ایله عمری گچر .

۲۰۸

طامبورام وار گوموشدن ،  
یار کلیور جنبشدن ؛  
سکا بر ایش ایدیم دور ،  
حظ ایدہ سکا او ایشدن .

۲۰۶

طاس اوستنه طاس قویدم ،  
بر یاصدیغه باش قویدم ؛  
یارم کله جک دییه ،  
صاغ یانمی بوش قویدم .

۲۰۹

طامبورام یدی یرده ،  
یگی دوشدم بودرده ؛  
نه کوکده در نہ یرده ،  
آل کوکسده یوز یرده .

۲۰۷

طامبورام وار قاباقدن ،  
یار گلیر اوینامقدن ؛  
باق نہ حالہ دوش اولدم ،  
سنک ایچون آغلامقدن .

۲۱۰

طاواده صو اریتم ،  
کولک کده گل قوروتدم ؛  
سکا کوکل ویرہ لی ،  
اوی باری او نوتدم .

## ف

۲۱۱

فسلیگن ا کدم دیواره ،  
کلن گچن صوواره ؛

بن کوچوک، یارم کوچوک ؛  
ایشیمز الله قاییره .



۲۱۲

فسلیگن اکدم طاسه ،  
کوزه لک کیتدی یاسه ؛  
کوز لکدن سوزم یوق ،  
آزاجق بوی قیصه .

۲۱۳

فیستیقی کوکلو دیکدم ،  
یار چاغیردی بن کیتدم ؛  
او ظالمک دردندن ،  
داغ طاشی آشوب کیتدم .

## ق

۲۱۴

قارا قویون قاوورماسی ،  
طاش تکنده صاوورماسی ؛  
ایشته بن کیدیورم ،  
یارمک قایرماسی .

۲۱۷

قارشیده یگی یانی ،  
ایچنده دمیر قانی ؛  
بنی یاردن آیران ،  
دیله نسین قانی قانی .

۲۱۵

قارشیدن باقمه کوزهل ،  
قاشلرک جاتمہ کوزهل ؛  
سن مهاجر بن یرلی ،  
قورنازلق صائما کوزهل .

۲۱۸

قار یاغار جینی جینی ،  
اوپسہم آغزک ایچی ؛  
زردہ قالدی کلدی ،  
کونمک\* کوکر جینی .

۲۱۶

قارشیده دیکیلی طاش ،  
جیفت گزر ایکی قارداش ؛  
بویوکی الماستراش ،  
کوچوکی برلانطه طاش .

۲۱۹

قار یاغیور آلچاقلره ،  
دو کولور صاچاقلره ؛  
ناصل آنا دوغورمش ،  
صیغما یور قوجاقلره .

\* گوئلک

۲۲۰

قاش قارا کیرپیک سیاه ،  
اولدم دردگدن سیاح ؛  
بن بودرددن اولورسم ،  
بکا دیسینلر آیواه .

۲۲۱

قاشلرک برر میلدر\* ،  
کوزک\*\* دیلی بلبلدر ؛  
یریمز اوزاق اما ،  
قلبمز برابردر .

۲۲۲

قاشلرک میمدر کوزدل ،  
کل بنی گولدور کوزدل ؛  
سمتمز اوزاق دوشدی ،  
قلبمز بردر کوزدل .

۲۲۳

قایادن اینلری ،  
چویرک کیدنلری ؛  
نه کوزدل باش باغلیور ،  
مهاجر کوزهللری .

۲۲۴

قدیفه دن کیسه سی ،  
قهوه دن کلیر سسی ؛  
اوطورمش راقی ایچر\*\*\*  
جکرمک کوشه سی .

۲۲۵

قدیفه دن یلکم ،  
پنه زاردن گوملکم ؛  
پوتینم اسکی دییه ،  
بن یچین اولنمهیم ؟

۲۲۶

قدیفه یاصدیغم یوق ،  
اودا که باصدیغم یوق ؛  
نه باقارسک یوزمه ؛  
ایله رکی دوستلغم یوق .

۲۲۷

قدیفه یاصدیغم یوق ،  
اؤکه باصدیغم یوق ؛  
دورت کتاب حق ایچین ،  
سندن غیری یرم یوق .

\* جراحی آلت

\*\* صوگ بهار

\*\*\* یاخود : اوطورمش قویون صاغار ،

۲۲۸

قارادر قاشلرڭ ،  
کرییکم او قدر ،  
دولاشدم شامی شرقی ،  
متندڭ یوقدر .

۲۳۲

قرنفیل بویلی بوسلی .  
کیمی بوش کیمی دولو ؛  
ینه فکرمه دوشدی ،  
او یارڭ گوزهل بوی .

۲۲۹

قرنفیل آچق ایستر ،  
بلبلر اوچق ایستر ؛  
شو بزم جاهل سودیکم ،  
ینه قونوشمق ایستر .

۳۳۳

قرنفیل بیچیم بیچیم ،  
بن آغلارم یار\* ایچین ؛  
الله قیزلر یاراتمش ،  
دلی قانلیلر ایچین .

۲۳۰

قرنفیل اولاجقسڭ ،  
صاراروب صولاجقسڭ ؛  
بن قاضی یه دانیشدم ،  
سن بزم اولاجقسڭ ؛

۲۳۴

قرنفیل چیچکلندی ،  
یاپراغی بوجکلندی ؛  
یارم اورده بن بورده ،  
آریلق گرچکلندی ،

۲۳۱

قرنفیل اویماق اویماق ،  
اولورمی یاره دویمق ؟  
یاره دویدم دیه نڭ ،  
جائزدر بوینن اورمق .

۲۳۵

قرنفیل چیچکله نیرمی ،  
صاپی بوجکله نیرمی ؟  
جهانده بر یار سه ودم ،  
اوده بزم دکلی ؟

۲۳۶

قرنفیل حاشلانیرمی ،  
خالی گوموشله نیرمی ؟  
کوچکدن بریار سه ودم  
ایله باغشلانیرمی ؟

۲۳۷

قرنفیل سگ بیچرسک ،  
صوسز یرده بیترسک ؟  
نه یله یم گوزه لایکک ،  
بنی بیراقیر کیدرسک .

۲۳۸

قرنفیل سگ قرارک یوق ،  
قونچه\* گل سگ تیمارک یوق ؛  
بن سنی چوقدن سوه رم ،  
سنک بندن خبرک یوق .

۲۳۹

قرنفیلک حاربکا ؟  
نه داریلدک یاربکا ؟  
سن داریلدک سن اوتان ،  
بولنزامی یاربکا ؟

۲۴۰

قرنفیل صارقارم ؟  
آچیلغم قورقارم ؟  
یار قابویه کلنجه ،  
میت اولسه م قالقارم\*\* .

۲۴۱

قرنفیل صاقسیده ،  
بریار سه ودم آقصوده ؛  
یارب اوکا قاووشدیر ،  
آقشام ایله یاتسیده .

۲۴۲

قلعه نك آردنده یم ،  
ساعتك دردنده یم ؛  
ایللر اویقوده اویور ؛  
بن یارك دردنده یم .

۲۴۳

قلعه دن اینر عقرپ ،  
آغزنده یشیل یاپراق ؛  
الله مراد ویرمه ن ،  
آلماسین قارا طوپراق .

\* غنچه

\*\* پنبه زار یارم گلسه ، قولو ایسه قالقارم .

یاخود :

یارک کلدی دیسلر ، خسته اولسه م قالقارم .

۲۴۴

قلعه دن اینیش بینیش ،  
چورهم دولوسی یمش ؛  
خی یاردن صورمشلر ،  
بن اونی بیلمم دیمش .

۲۴۸

قلعه نك آردی بوستان ،  
یقلیسین عربستان ؛  
عربستان قیزلری ،  
نه دون گیر نه فستان .

۲۴۵

قلعه دن اینیوردم ،  
چاغیرسه نك کلیوردم ؛  
دردندن کبریت اولدم ،  
أوفورسه نك یانیوردم .

۲۴۹

قلعه دن ایندم دوزه ،  
آت باغلادم نار کیزه \*\* ؛  
یدی ییل خدمت ایتدم  
آلا گوزلی بر قیزه .

۲۴۶

قلعه قلعه یه باقار ،  
آتشك خی یاقار ؛  
بنم اوغلم اولمازسه ،  
سنك قیزك نه یاپار ؟

۲۵۰

قلعه دن اینیش اولماز ،  
خام دمیر گموش اولماز ؛  
بن سگما کوکل ویرم ؛  
باللهی دونوش اولماز .

۲۴۷

قلعه \* قلعه یه باقار ،  
آره سندن چای آقار ؛  
بك اوغلنك قیزلری ،  
نه یامان باقیش باقار .

۲۵۱

قلعه نك آردی تکه نه لی ،  
ایچنه گل اُکمه لی ؛  
یارسه ومك قولایدز اما ،  
بر آرز زحمت چکمه لی .

\* قاله ده تلفظ اولونور .

\*\* نرکیس .

۲۵۶

قهوه پیشدیگی برده ،  
پیشوب طاشدینی برده ،  
گوزهل چیرکین آرانماز ،  
گوکل دوشدیگی برده .

۲۵۷

قهوه قویدم جزویه ،  
یارم کیتدی کزیمکه ؛  
بیگناز خانم سوسله نمش ،  
یوره گمی ازمکه .

۲۵۸

قهوه قویدم قورولا ،  
أل وورمایک دورولا ،  
بنی یاردن آیران ،  
صول بوگردن وورولا .

۲۵۹

قهوه لر پیشدیمی ،  
صوغودی ، یار ایچدیمی ؟  
صورمق عیب اولماسین ،  
یار بورادن کچدیمی ؟

۲۵۲

قلعه نك اوستی طاشدر ؛  
صاچکی بلدن آشدیر ؛  
آلا کوزلر اوستنه ،  
یاراشان کمان قاشدر .

۲۵۳

قلعه نك برجی مییم ،  
دیل بیلیمز گورجی مییم ؟  
بنی غربته یوللار ،  
ین غربت خرجی مییم .

۲۵۴

قومشومزده قویو وار ؛  
ایچنده طاتلی صوی وار ؛  
بن یارک دردنده میم ،  
گویا دیرلر خوی وار .

۲۵۵

قهوه ایچدم فنجاندن ،  
قسبیجم وار مرجاندن ؛  
سکا میل ویره لی ،  
اولیوردم برجانندن .

۲۶۰

قهوہ یمندن کلیر ،  
بلبل چندن کلیر ؛  
آق طوبوق بیاض گردان ،  
هرگون حمامدن کلیر .

۲۶۱

قهوہ یمنسز اولماز ،  
بلبل چمنسز اولماز ؛  
شو بروسه نك قیزلری ،  
هرگون حمامسز اولماز .

۲۶۲

قهوہ نی پیشیر یرم ،  
قورقارم طاشیر یرم ؛

یار فکر مه دوشرسه ،  
عقلی شاشیر یرم .

ك

۲۶۳

كتن كوملك\* دورت اكدن ،  
نه تیز بیقده سن بندن ؛  
بیقدیغکی بیله یدم ،  
آرزوم آیردم سندن\*\*

۲۶۵

كتن كوملك فلفلی ،  
نردن بولده بو دیلی ؛  
بودیل بورانك دگل ،  
آماسیه نك بلبلی .

۲۶۴

كتن كوملك دیزده در ،  
چفته بنلر یوزده در ؛  
جنتدن حوری چیقسه ،  
ینه گوزم سزده در .

۲۶۶

كتن كوملكی اگسز ،  
دوراما یورم سنسز ،  
ییلان گیرسین قوینگه ،  
ناصل باقارسك بنسز .

\* كوملك

\*\* یاخود : دو یار ایدم بن سندن .

۲۷۱

گلیر کچر قاییقلر ،  
صوده اوینار بالیقلر ؛  
نه بویله سهودا گوردم ،  
نه بویله آریلقلر .

۲۷۲

گمیده-یم گمیده ،  
آیاغم یمینده ؛  
آلما بنی قرعه جی ،  
سهودیکم وار گریده .

۲۷۳

گمی گلیر طوپ آتار ،  
دمیرینی چیفت آتار ؛  
استابولک قیزلری ،  
قاشلرینی پک چاتار .

۲۷۴

گمی گلیر یناشیر ،  
ایچی دولو چاشیر ؛  
شو پلونه قیزلری ،  
قوچه ایچین دولاشیر\*\* .

۲۶۷

ککلک بکا اوت گتیر ،  
یارمدن مکتوب گتیر ؛  
ا کر یارم کلزسه ،  
یاقاسندن طوت گتیر .

۲۶۸

ککلکیم اوتر کلیر ،  
تویلری دوکر کلیر ؛  
عربستان قیزلری ،  
سیرانه کزهر کلیر .

۲۶۹

ککلکی ووردم قالماز ؛  
قام گول اولدی آقماز ؛  
بن او یاره نیلهدم ،  
دونوب یوزمه باقماز ؛

۲۷۰

گل قویدم گل طاسنه .  
باغچه نك اورتیه سنه ؛  
دلبره چه لهك\* صوقدم  
آلتنك اورتیه سنه .

\* چلنك اولاجق

\*\* یاخود: بوییل بالی چیقمازسه ، بالیقجیلر آغلاشیر .



۲۷۹

گوزم یوللرده قالدی .  
یورہ کم آتشفہ صالدی ؛  
یارم میدانده یوقدر ،  
بیلیم کہ کیملر آلدی .

۲۷۵

کیملرده مردیودن ،  
شیمدی دوشدم درده بن ؛  
بن بودرددن اولورسہم ،  
نیجہ یاتام یرده بن ؟

۲۸۰

گوکدن زنیل اینیور ،  
فیریل فیریل دونیور ؛  
قید ایتہ گوزمل قیزم ،  
قسمتک وار گلیور .

۲۷۶

گمینک آنبارینه ،  
موم دیکدم شامدانہ ؛  
مولام بزی قاووشدر ؛  
رمضان بایرامنه .

۲۸۱

گوکده ییلدیز آللی در ،  
آلیسی ده بللیدر ؛  
کیزی گوگل چکککک  
گوزلرندن بللیدر .

۲۷۷

کوپ ایچندہ گوم گوم وار ؛  
مور منکشفہ دنکم وار ؛  
یار ایله قاووشورسہم ؛  
دشمن ایله جنکم وار .

۲۸۲

گوکده ییلدیز برصیره ،  
بکم کیدر مصرہ ؛  
دیزہ قدر قار اولسہ ،  
کیدرم آردی صیره .

۲۷۸

کوپ دینده اونم وار ،  
اللہدن امیدم وار ؛  
اوقیزجغز بنم اولورسہ ،  
دہدہ لرہ موم وار .

۲۸۳

گوکده ییلدیز بیك دانه ،  
 صاریش مور میتانه ؛  
 بنم کبی قول لایق ،  
 سزك کبی سلطانه .

۲۸۷

كوك یوزی ماوی قالدی ،  
 قوش اوچدی یاورو قالدی ؛  
 آناختار یار قویتمده ،  
 کونیم \* کلیدلی قالدی .

۲۸۴

گوکده ییلدیز صایلماز ؛  
 چی یمورطه صویولماز ؛  
 بنم برسودیگم وار ،  
 جلوه سنه دیولماز .

۲۸۸

کوملکرم در آگسز ،  
 دومنم دوزر سنسز ؛  
 قوینکه ییلازن گیرسین ،  
 ناصل یاتارسك بنسز ؟

۲۸۵

گوکده ییلدیز ماهه کیدر ،  
 کاه آکله نیر کاه کیدر ،  
 بن بوکون یاری کوردم .  
 صانیرم پادشاه کیدر .

۲۸۹

کیدرم ایلگزدن ،  
 قورتولام دیلگزدن ؛  
 یشیل باش اوردك اولسم ،  
 صو ایچمم گولگزدن .

۲۸۶

گوکل سندم اوصاندم ،  
 عشق نارینه یاندم ؛  
 نه پولاد جانم وارمش ،  
 بوجفایه دایاندم .

۲۹۰

کیدرم یولجه یولجه ،  
 چیچکلر اولدی مورجه ؛  
 ایشته بن کیدیورم ،  
 اوطورك بولجه بولجه .

۲۹۱

کیدییورم قالاسك  
صاراروبده صولهسك\*  
حقیقتی یارایسهك  
آرایوبده بولاسك

۲۹۲

گیمهسی در پنبه دن ،  
عجبت ایدر گولمه دن ؛  
بنی یاقدی یانیدردی ،  
اون بشنه گیرمه دن .

ل

۲۹۳

لامبه شیشه سز یانارمی ،  
بگایار بولونمازمی ؟  
بن بودرددن اولورسه م ،  
آجیان بولونمازمی ؟

۲۹۵

لاهوری شالك اكي ،  
ستم اولدوردی بنی ؛  
قرق ییلک برگونی وار ،  
ألبت گورورم سنی .

۲۹۴

لاهوری شال بلده در ،  
ایکی اوجی یرده در ؛  
دوقسان دوقوز یار سوسه م ،  
ینه گوزم سنده در\*\*

۲۹۶

لیمونی آلدنم رافدن ،  
برده نی قالدیر جامدن ؛  
چك خنچری وور بنی ،  
بن اوصاندم بو جانندن .

م

۲۹۷

مایچی باشیمیسك ،  
جواهر طاشیمیسك ؟  
سگا بر نامه یوللاسه م ،  
باشكده طاشیرمیسك ؟

---

\* کیدییورم بیله سك . یار آردمدن کله سك  
\*\* یاخود: لاهوری شال بلده در؛ صاچاقلری یرده در ؛  
جنتدن حوری چیقسه ، ینه گوزم سنده در .

۲۹۸

مايىچى مانى سويله ،  
مانيمه قارشى سويله ؛  
مايىچى اولديغك بيلهيم ،  
يىدى تورلو ميوه سويله ؛

۲۹۹

ماوى ايليك مور دوگمه ،  
ينه قوندك كوكلمه ،  
هر عقلمه گللكمه ،  
قان داملار يوره كمه \*

۳۰۰

ماوى كورك قدم اوله ،  
اطرافيم بادم اوله ؛  
اولنديگمه قيد ايتيم ،  
آلديغم آدم اوله .

۳۰۱

ماوى گوز ماوى مينه ؛  
ينه گلدى فكممه ؛  
قچن \*\* گلير فكممه ،  
قان داملار يوره كمه .

۳۰۲

ماويليم قيما بگما ،  
قوربان اولايم سگما ؛  
مشتريلر چوغالدى ،  
اڭ دولاش اولما بگما .

۳۰۳

ماوى يىلكلى يارم ،  
بياض بيلكلى يارم ،  
بى بو حاله قويدك ،  
مرمر يوره كلى يارم .

۳۰۴

مرديوهنده قرق آياق ،  
قرقنه ووردم داياق ،  
يار قابويه كليرسه ،  
نه آل طوتار نه آياق .

۳۰۵

مناردنك علمى ،  
اگرى چيقمش قلمى ؛  
سگما گوزهل ديدكسه ،  
ياقما \*\*\* ديدك علمى .

\* ياخود : ماوى منتان مور دوگمه ، ينه گللك گوينه ؛  
هرقچن عقلمه گللكمه ، قان داملار يوره كمه  
\*\* خاچان، آچان نه وقت ديمك اولوب قاچكى ده ديرلر مش .  
\*\*\* ياقى ده اولسه دها اى اولور .

و

۳۰۶

وار گمیلر وارد اکل ،  
او یارمی آلدہ ککل ؛  
اگر یارم گلمزسہ ،  
ینہ دوندہ اویلہ ککل ،

۳۰۷

وار نہنک باغلرینہ ،  
قول دیکدم یوللرینہ ؛  
الماس کوپہ یاپدیردم ،  
یارمک قولاغنه .

۳۰۸

وای طابلالی طابلالی ،  
طابلارک طوغرالی ،

کورمہدم سنک کبی ،  
بو دنیا قورولالی .

ھ

۳۰۹

ہایدیندی عالم ہایدگدی ،  
دورما شوردن کیدگدی ،  
او یارہ کیدر اولورسہک ،  
بندن سلام ایدگدی .

۳۱۰

ہوایی بولوط آلدی ،  
طوقادہ دولو یاغدی ؛  
طوقادک کوزہلارینی ،  
بولانیق سیلر آلدی .

ی

۳۱۱

یار کلیر سیران ایدر ،  
کوزلری حیران ایدر ؛  
سودیکمک حسرتی ،  
جسممی بریان ایدر .

۳۱۲

یارہ گوکل باغلادم ،  
کیجہ گوندوز آغلادم ،  
بن یارمک عشقندن ،  
جگرمی داغلادم .

۳۱۳

یازی یازدم یاز ایدی ،  
قلمم بیاض ایدی ؛  
یار سکا بر سوزم وار ،  
مرکبم آز ایدی\* .

۳۱۴

یاغمور یاغار سجیم کبی ،  
أریدم کوموش کبی ؛  
بن یارمی\*\* آرزولادم ،  
ترفنده یمش کبی .

۳۱۵

یاغمور یاغار صو کبی\*\*\* ،  
بنم یرم بو ایدی ؛  
قینامایک آ دوستلر ،  
یاره اینان یوغیدی .

۳۱۶

یشیل اییک بوگرم ،  
گوزلرمی دیکرم ؛  
آقشام یارم گلمزسه ،  
قان ایله یاش دوکرم .

۳۱۷

یشیلدر ابروم بنم ،  
نه چوقدر صبرم بنم ؛  
أولوم وار آریلق یوق ،  
اویله در قولم بنم .

۳۱۸

ینم صاریلیدر ،  
یار بکا داریلیدر ؛  
سودیگمک عشقندن ،  
جگرم یاره لیدر .

۳۱۹

ینیمک اوچلری ،  
چیقمام یوقوشلری ،  
راحت ویرمه یور بزه ،  
جاندارما\*\*\*\* چاوشلری .

۳۲۰

ینم طورالیدر ،  
سودیگم بورالیدر ؛  
کچمه قابوم اوکندن ،  
یوره کم یارالیدر .

\* کاغدم بیاض ایدی ؛  
قلم دایانماز ایدی .

\* یازی یازدم یاز ایدی ،  
یازمحق دردم چوقدر ،  
\*\* یاری اوله جق .  
\*\*\* صو ایدی .  
\*\*\* زاندارمه

۴۲۵

یمنی آللادم ،  
جگر می داغلادم ؛  
گوزملک عشقندن ،  
کیجه گوندوز آغلادم .

۳۲۶

یمنی می دوزلهدم ،  
گوزملی گوزلهدم ؛  
قالمادی آرتق طاقت ،  
نه یلهیم پک اوزلهدم .

۳۲۷

یمنی می قاتلادم ،  
یارمه گل طوپلادم ،  
یار خاطره کلدجه ،  
یمنی سین قوقلادم .

۳۲۸

یوقوشدن ایندم اینیش ،  
یاغلم دولو یمش ؛  
بن گوزله باقارکن ،  
بورنمی صیچان یمش .

۳۲۱

یمنیمک اویاسی ،  
یوزوگمک فویاسی ؛  
پاموق الهن \* ایشلهمش ،  
پک صاری در بویاسی .

۳۲۲

یمنیمک اینجهسی ،  
گوینمک \* اکلنجهسی ؛  
بر مصر خزینهسی \*\*\* ده گر  
یارمک بر کیجهسی

۳۲۳

یمنیمک یشیلی ،  
شیمدی بولدم اشیمی \*\*\*\* ؛  
یمن سنده دورسون ،  
سیل گوزگک ماشنی .

۳۲۴

یمنی آللادم ،  
اوزاقدن باش صاللادم ؛  
یارم گلسین دییه رک ،  
تنها یرلر قوللادم .

\* آل الهن

\*\* گوگلمک

\*\*\* خزینه سینه اولسه کرک !

\*\*\*\* یمنیمک نقشنی ،

بیلا نه باق بیلا نه ،  
قیوریم قیوریم دولانه ؛  
بن یارجی ، قیب ایتدم ،  
یوز بیك آلتین بولانه .

### مانیلر حقنده

مانیلر ، خلق ادبیاتینک ائک انموذجی برنوعیدر . خلق ادبیاتندن  
یالکز فکرلرک ، لغتلرک بساطقی معناسی استخراج ایدن برزمره ایچون  
بو ، ایضاحدن مستغنی در . بزم ، بوندن آکلادیغمز یابانجی ذوقلرک  
تأثیرندن آزاده بالذات کندی خصوصیتی ودهای لسانیسی ایچنده  
انکشاف ایتمش ادبیاتدر . منسوب اولدیغی ملتک اکثریتی تمثیل  
ایدن ادبیاتدر .

داهیلر ، ذوق و شخصیت نقطه نظرندن نه درجه ملی اولسولر ،  
بر ملتک معیارینی تمثیل ایده مزلر . اونلر ، استقباله حاکم شاهقهلر ،  
یاخود عمومیتی محیط عمانلردر . یوکسک وانکیندرلر . نهایت «فرد» درلر .  
اونلرک نسج ذوق وفکرینی پک درین تحلیللرله آچوب او کرفت  
تاروبودک امتزاجنده کی مؤثراتی آری آری ترقیق ایتلیدرکه اوملتک  
وسطی سویه بدیعیه سی تظاهر ایده یلسین .

بژده بو وظیفه یی ائک بیوک بر وضوحله ایفا ایده جک عنصر ادبی  
« مانیلر » در . مانیلر ، بیوک تورک ملتک مشترک و صمیمی حیاتی  
ترنم ایدر . تا طونه نهرندن قفقاسلره قدر هر محیطک احتیاج حسیسی  
افاده ایده یله جک قدر طبیعی بر شکل ایله بوتون ملتی قاورایان «مانی»  
قائلی مجهول اولقی حیثیتله ده بر آینه کنی حقیقی ذوق ملی یی تمثیل



ایدر . « مانی شکلی او یله عنعنوی بر طبیعت و سلاست ایله ممتازدرکه  
 ایچنه داخل اولاییله جک بر یابانچیلوق در حال صیریمغه محکومدر .  
 مانیلرک اصلیتی بو کیفیتدهدر . سائر انواع ادبیه دن مانیلره اک چوق  
 بکزه ین « رباعی » در . فقط رباعی ، عینی ماهیت داخلنده دهامتکامل  
 برشکلدر . آراده کی فرق ، « مانی » نک کرک موضوع ، کرک شکل  
 اعتباریله چوق عمومی ، رباعینک ایسه تماماً خصوصی و فردی  
 اولماسیدر . بر « رباعی » اولدینی کی قالمغه محکومدر . عمومیت  
 ذوقی افاده ایتدیکی ایچون ، ماهیتی هر حسک قولایچه داخل  
 اولاییله جکی کی سیال دکلدر . رباعیده فردک صیقی واندیشه ناک تقیدی  
 حاکمدر . « مانی » ده ایسه فرمانفرما اولان تکلفسز ، لایالی بر  
 مسامحه در . بومسامحه نک دار بر قیددن هیچ بر فرق یوقدر . قطعه  
 ایله مقایسه ایدیله مز . چونکه رباعی ایله مانی آره سنده جهت مشابہت  
 برنده شعوری ، دیکرنده غیر شعوری بر ایجاز و طبعیملک موجودیتی در .  
 بویکیسی طاتلی بر امتزاج ایله بلاغتک پک یوکسک بر مرتبه سنه ارتقا  
 ایدر . بویله طبیعی و موجز برقاج کله ایچندن بعضاً او یله نفیس تابلولر ،  
 او یله ایچه حسلر بلیررکه !

مانی ، مشترک حسیاتی افاده ایتدیکی ایچون موضوعی ، همان دأما  
 بسیط عشق و هجران الملریدر . فردی حیاتک یوکسک و خصوصی  
 دویغولرینی عکس ایتدیرمز . ایچنده مواد تاریخیه بولامیز . بوکا  
 مانع اولان ؛ شکلنک محدودیتی در . عینی زمانده مانیلرک موضوعی ؛  
 دأما حس ایدیله ایدیله کله لرینی غیر شعوری بولمش اونلری دستور  
 حالنده تکشیف ایتمش دویغولردر . بوسیدن بر مانی ، اکثریاتک  
 بر حسی افاده ایدر . بونلر برلشدیریلیرسه بر ملتک بلیغ بر تاریخ  
 حسی و اجتماعی مبدانه چیقار .

مانیلر ، تورك لهجه لرینك همان هېسندنه موجوددر . آذری  
لهجه سنده کی مانیلر ، چوق دفعه بر جناس لفظی بی حاملدر .

۱  
عاشقتم ای آرخی هارای [۱]  
چاغیریرام آرخی هارای  
غریب ایل یاد اولکه  
چاغیریرام آرخی هارای [۲]  
۴  
قزیل گل دن دن اولدی [۳]  
دیرمدن دن دن اولدی  
بن کندم آیرلمازدم  
آیریلق سندن اولدی .

۲  
عاشقك اوز طاغلی  
کبابه کوز داغلی  
ینه یادینه دوشمش  
غریبك اوز داغلی  
۵  
باغشکده اوزوم قاره  
یمه لی اوزوم قاره  
ایسترم دوسته وارانم [۴]  
الم بوش یوزم قاره [۵]

۳  
عاشقك گل انباری  
طولودر گل انباری  
نه کولمز ، نه کولدورمز  
نه قویماز گولم باری  
۶  
قاره باغده باغ اولماز  
قاره صالقیم آغ اولماز [۶]  
بیکس قالان یتیمک  
یوره کنده یاغ اولماز

[۱] هایدی خرقة « بر کویده صوبی تارلاره اساله ایچون کویلی ؛  
هرکون مشترکا برینک تارلاسنده چالیشیر . بوکا احتیاجی اولان کویک معین  
بر یرنده « آرخی هارای » دییه باغیریر .

[۲] آرقه = ظهیرهانی ؟..

[۳] دانه دانه

[۴] واریم

[۵] یوزم ( یوزم ، اوزوم کی تلفظ اولنور )

[۶] آقی

۷  
قارہ باغده تالان وار  
زلفن یوزہ سالان وار  
آباق کوتور تزجہ کل [۵]  
کوزی یولده قالان وار

۹  
قالیامک غم طاغیدیر  
چکدکجہ غم طاغیدیر  
ذرہ جہ یوزک کورسہم  
دریاجہ غم طاغیدیر

۸  
قالیانی چک اوجندن [۱]  
طولودورده چک اوجندن  
نہ نامرده یولداش اول  
نہ بلا چک اوجوندن [۲]

۱۰  
عاشقک اوز درمانی  
کبابہ کوز درمانی  
کلدی مصر شہرندن  
یعقوبہ کوز درمانی

مانیلر ، درت مصر عدن متشکل وا کثریا یدی، بعضاً سکز هجالیدر.  
ایلمک مصرع ، معنادن تماماً عاریدر . یالکز قافیہ ایچوندنر . ایکنجی  
مصرع بعضاً معنیدار ، بعضاً دکلدر . فقط چوق دفعہ بو معناسز کی  
کورونن ایکی مصرع ایله فکر اساسی آراسنده غایت اینجہ وسیال برمناسبت  
وارددر . اصل فکر، اوچنجی ودردنجی مصرعلردهدر . مانیلرک وزن  
وقافیہ لری اکثریا بوزوقدر وزن و assonance ماهیتی ده تجاوزایدن  
قافیہ لری ، مانی ، نک اصلنه اعطف ایتمک دوغرو اوله ماز . چونکه  
محیط و آغز دیکشدکجہ خصوصیه ذوق و آهنگدن محروم آغزلره  
دوشدکجہ وزنی بوزار . اوافق مملکت شیوه فرقلرینک ده بونده بویوک  
بر روی وارددر .

[۵] آباق کوتور = چابوق اول

[۱] قالیان = نارگیله


[۲] اوسیدن

اجتماعی بر معینیت ذهنیتیه عیناً محافظه ده بر معنا یوقدر ظننده یز. برایکی غایت بسیط ادات ویا کله اوزر زنده اوافق بر عملیه ایله دوزمه بیله جک اولانلرک آهنگه ارجاعی لازمدر. فقط بولزوم ایله برابر آنجق بر قاج نقطه یه ایلیشه بیلدک. بو نقطه لرده کی مداخله من بر کله نک بیله تبدائی موجب اولما یوب آنجق اداتلره انحصار ایلمشدر. بونی بیله یابارکن قلم مزک تیره دیکنی انکار ایده میه جکنز. بزی بو خصوصده تشجیع ایدن جهت، بو کتابده تعقیب ایتدی کمز غایه نک «تربوی» اولماسیدر. عینی زمانده آهنگ سمعی بی تربیه نتیجه سی ده الده ایدیلیرسه مضاعف بر فائده تأمین ایدلمش اولور. بو وزن بوزو قلقلری اقلیت قلیله بی تشکیل ایتدیکی ایچون طبیعتیه منفی بر ماهیتده گورمک ضرورتنده قالدق. واولجه اکثریت هیجه یه تابع ایکن بالاخره بو حاله کلدیکنی قبول ایتدک. قافیه لر، غایت اوزاق بر مشابیهت تصوت درک سینه قدراینر. فقط وزن ایله قافیه آراسنده چوق فرق واردر. خصوصیه خلق بدیعاننده بوفرک کتدکجه چوغالیر. مع مافیه عمومیت اعتباریه وزنده بر هجانک فضله لغی اکثریا ایکی هجانک نقصانی وحتی بعضاً برایکی مصرعک علاوه سی عنعنوی بر اعتیاده تبعیتله هیج فنا کوروله میور. خلاصه؛ حیاتی حادثه لری دار بر قاعده پرست ذهنیتیه تدقیقه قویولمق دوغرو دکدر.

مانیلر کی بر مؤسسه لسانیه فرد کی معین محدود دکل بلکه بک مغلق، واسع وتماماً اجتماعی بر حادثه حیاتیه در. بونی لایقیه تدقیق و عمومی، اساسی قانونلرینی وضع ایتک ایچون خلقلک، منطقی، بدیعی قیمت حکملرینی تثبیت لازمدر. جمعیتمز، امکان مساعد اولدجه نشرایده جکی بومالزومه ایله خلق اجتماعیاتمزه ناچیز بر خدمتده بولونه بیلیرسه کندینی چوق بختیار عد ایده جکدر.

## خطا و صواب جدولی

صواب	خطا	سطر	صحیفہ
بعض آقشام غزته لرینک	آقشامک	۱۶	۶
بوتون	بوتون	۱۸	۶
آلتون طاباق	آلتون طاماق	۱۲	۱۰
دوگمہ لری	دوگمہ لری	۸	۱۱
بم	بم	۱۴	۱۲
ایک	ایک	۹	۱۲
سنک کوککگدہ کیملر	سنک کوککگدہ وار کیملر	۲۱	۱۲
آلما دن	آلما زدن	۱۸	۱۳
انکنار	انکینار	۲	۱۵
ازمیر	ایزمیر	۱۷	۱۶
گوزہ لار	کوزہ لار	۱۸	۱۶
اسکله	ایسکله	۲	۱۶
انکنار	انکینار	۱۶	۱۷
انکنار	انکینار	۱۷	۱۷
باغچه	باغچه	۲	۱۸
بن	بن	۱۹	۱۸
هر	مر	۴	۱۹
خانہ یه	خانہ یه	۲	۲۱
جوابک	حوابک	۱۶	۲۵
فلک	فللک	۱۴	۲۶
پر نیم	پر نیم	۱۶	۲۶
آرد و کدہ در .	آرد دہ در	۱۴	۲۸
سوداسی	سودا ی	۱۵	۲۸
ساعتک	اطرافک	۳	۳۰
اوواسندن	وواسندن	۱۸	۳۱
یاتارسک	باقارسک	۱۹	۴۲



نېما ۲۰۰۰ شېرور-مدر

رېمائي زاده

# محمود اکرم بک

مؤلفی : نامق کمال زاده علی اکرم بک




ذات اقدس خلافتپناهينك عنايت سنيهلريله ادبيات مدرسهسى ماذونلر  
جمعيتى نشر ياتىنك ايكنىجي صايبى اولمق اوزره بك يقينده  
انتشار ايدى جكدر .










General Library System  
University of Wisconsin - Madison  
728 State Street  
Madison, WI 53706-1494  
U.S.A.



PL  
235  
H35  
1923

MEM